

**LOVAČJKO DRUŠTVO „JELEN“ GRADAČAC
GRADAČAC**



Na osnovu odredaba Zakona o lovstvu Federacije Bosne i Hercegovine (Sl. Novine FBiH br: 4/06), i člana 30. t. 2. Statuta lovačkog društva „Jelen“ Gradacac br:01-191/09, Skupština Društva na sjednici održanoj dana 24.12.2009. godine, donosi

**PRAVILNIK
O DISCIPLINSKOJ I MATERIJALNOJ ODGOVORNOSTI ČLANOVA
DRUŠTVA**

OPĆE ODREDBE

Član 1.

Ovim Pravilnikom bliže se uređuje disciplinska i materijalna odgovornost članova Lovačkog društva „Jelen“ Gradacac (u daljem tekstu „Društvo“), te način provođenja postupka protiv prekršilaca lovne discipline.

Član 2.

Za učinjene povrede dužnosti i obaveza članova Društva, članovi odgovaraju disciplinski na način i pod uslovima utvrđenim u ovom Pravilniku, Statutu i drugim općim aktima i odlukama Društva.

DISCIPLINSKA ODGOVORNOST

Član 3.

Povredama lovne discipline smatraju se naročito:

1. Gruba povreda Statuta i drugih općih akata Društva i zloupotreba izbornih funkcija;
2. Grubo ograničavanje prava i dužnosti članova Društva i odnosa u Društvu;
3. Neovlašteno lovljenje divljači;
4. Pojedinačno odlaženje u lov bez odobrenja;
5. Bespravno pribavljanje lične koristi vršenjem lova i usluga u lovu;
6. Uništavanje prirode i zagađivanje čovjekove okoline;
7. Ugrožavanje sigurnosti drugih osoba pri rukovanju lovačkim oružjem;

8. Provođenje i zamjenjivanje ulovljene divljači (član 62. stav 1. Zakona);
9. Nedonošenje na ocjenjivanje trofeja od ulovljene divljači;
10. Grubo narušavanje ugleda Društva i ugleda lovca, lovačke organizacije kao cjeline, lovačke etike i nanošenje štete Društvu neodgovornim ponašanjem;
11. Neizvršavanje obaveza prema Društvu;
12. Proganjanje i uznemiravanje divljači;
13. Nepoštivanje propisa za lovni turizam;
14. Neopravdano izostajanje sa sastanaka i organizovanih akcija;
15. Prikriivanje ili neobavješavanje odgovorne osobe ili organa Društva o primijećenim radnjama u lovištu koje nisu u skladu sa gazdovanjem u lovištu (nezakonit lov, zamkarenje, upotreba traktora, automobila, lov sa psima na visoku divljač i drugi nedozvoljeni način lova);
16. Nedostavljanje izvještaja o izvršenom lovu u roku od 48 sati od strane pratioca lova ili grupovođe(član 12. Pravilnika o uvjetima gospodarenja lovištem);
17. Trovanje divljači (čl. 29.stav 1. Zakona o lovstvu);
18. Vršiti odstrel divljači nelovačkim oružjem (član 54. stav 1. Zakona o lovstvu);
19. Lov vrši nabojima koji nisu lovački, ili poluautomatskom ili automatskom puškom (član 54. stav 3. Zakona o lovstvu);
20. Vršiti lov bez lovne karte, odnosno bez odobrenja za odstrel (član 56. stav 1. zakona o lovstvu);
21. U lovu se koristi nečistokrvnim lovačkim psima (član 58. stav 1. Zakona);
22. Vršiti lov divljači mrežama, klopama i omamljujućim sredstvima (član 59. stav 1. Zakona);
23. Opijanje za vrijeme lova, izazivanje nereda ili tuče u lovu ili objektima odnosno prostorijama Društva;
24. Prouzrokovanje materijalne štete Društvu, namjerno ili iz krajnje nepažnje;
25. Na zahtjev lovočuvara ne pokaže lovačke isprave i druge isprave, ili ne dozvoli pregled ulova, sredstva za lov ili sredstva za prijevoz (član 76. stav 1. Zakona);
26. Sve druge radnje koje su kao nedozvoljene propisane Zakonom o lovstvu, Statutom i drugim općim aktima Društva, kao i sve druge radnje koje imaju elemente krivičnog djela.

DISCIPLINSKI POSTUPAK

Član 4.

Disciplinski sud je organ koji vodi postupak i izriče disciplinske mjere zbog povrede lovne discipline i drugih povreda zakona, Statuta, odluka i zaključaka, kao i drugih propisa koje donosi Skupština i Predsjedništvo Društva.

Član 5.

Disciplinski sud se sastoji od 3 (tri) člana od kojih je jedan predsjednik a druga dva članovi Disciplinskog suda. Disciplinski sud ima i 3 (tri) zamjenika.

Disciplinski sud bira Skupština Društva na mandat od 4 godine.

Član 6.

Prijavu o povredi lovne discipline može podnijeti svaki član Društva i radnici Stručne službe Društva.

Prijava se podnosi Disciplinskom tužiocu.

Disciplinski tužilac pokreće disciplinski postupak po vlastitoj inicijativi i na prijedlog lica iz stava 1. ovog člana ili nadležnog organa društveno političke zajednice.

Član 7.

Disciplinski tužilac provodi prethodni postupak, saslušava odgovorne članove i svjedoke, te ukoliko ocijeni da je u radnjama odgovornih članova učinjeno vjerovatnim da je došlo do kršenja lovne discipline, disciplinski tužilac dostavlja predmet disciplinskom sudu na odlučivanje.

Član 8.

Disciplinski sud po prijemu predmeta od tužioca, zakazuje raspravu, na koju obavezno poziva prekršioce lovne discipline, a po potrebi i svjedoke, utvrđuje činjenično stanje i donosi odluku o predmetu.

Disciplinski sud donosi odluku većinom glasova članova suda, a punovažno odlučuje ako su prisutna sva tri člana disciplinskog suda.

Član 9.

Postupak pred Disciplinskim sudom je javan i hitan.

Raspravom rukovodi predsjednik Disciplinskog suda.

Član 10.

Postupak pred disciplinskim sudom ne može se pokrenuti ako je od saznanja o disciplinskom prekršaju proteklo više od 1 godine, a u svakom slučaju ako su protekle dvije godine od dana kada je učinjen prekršaj.

Član 11.

Disciplinski sud je dužan svoju odluku dostaviti u pismenoj formi članu društva na koga se odluka odnosi i Disciplinskom tužiocu.

Član 12.

Za povredu lovne discipline iz člana 3. ovog Pravilnika, Disciplinski sud može izreći jednu od slijedećih mjera:

- Pismena opomena,
- Novčana kazna od 100 do 500 KM,
- Zabrana lova u trajanju od 1 do 5 godina.
- Isključenje iz Društva.

Član 13.

Protiv odluke Disciplinskog suda pravo žalbe ima član na koga se odluka odnosi kao i disciplinski tužilac.

Žalba se podnosi u pismenoj formi Predsjedništvu Društva u roku od 15 dana od dana primitka odluke Disciplinskog suda.

Predsjedništvo Društva dužno je u roku od 30 dana od dana primitka žalbe provesti postupak po žalbi i donijeti svoju odluku koja je konačna.

Kada odluku donosi Predsjedništvo u skladu sa čl. 26. „Statuta“ LD-a i čl. 31. „Pravilnika o prijemu članova u LD, njihovim pravima i dužnostima“, lica na koja se odluka odnosi, mogu u roku od 15 dana podnijeti žalbu Skupštini LD-a, koja na prvoj narednoj sjednici donosi odluku po žalbi.

Odluka Skupštine je konačna.

Član 14.

Protiv Odluke skupštine Društva, član Društva koji smatra da su mu njegova prava povrijeđena može pokrenuti upravni spor pred nadležnim sudom.

Za vrijeme dok traje upravni spor, prava i obaveze člana koje proističu iz Statuta i drugih općih akata Društva miruju.

Član 15.

Član Društva kome je izrečena disciplinska mjera iz člana 12. stav 4. ovog pravilnika može podnijeti zahtjev za rehabilitaciju nakon isteka pet godina po pravomoćnosti odluke o izrečenju disciplinske mjere.

Zahtjev se podnosi Predsjedništvu Društva u pismenoj formi.

Protiv odluke Predsjedništva kojom se odbija rehabilitacija može se podnijeti žalba Skupštini Društva u roku od 15 dana po prijemu odluke.

Odluka Skupštine je konačna.

Član 16.

Disciplinskog tužioca i njegovog zamjenika imenuje Skupština Društva na period od 4 godine

U raspravi pred Disciplinskim sudom učestvuje Disciplinski tužilac u svojstvu stranke koja zastupa interese Društva.

Član 17.

U težim slučajevima disciplinski tužilac može od Predsjedništva Društva zahtijevati suspenziju vršenja izbornih funkcija ili kakvih dužnosti u lovstvu za počinioca povrede lovne discipline do donošenja pravosnažne odluke.

Odluka o suspenziji treba da bude donesena po hitnom postupku.

Član 18.

Na prijedlog disciplinskog tužioca, Predsjedništvo Društva može donijeti odluku o zabrani lovljenja onom članu protiv koga se vodi ili je pokrenut disciplinski postupak za vrijeme dok on traje, ukoliko postoje čvrsti dokazi disciplinske odgovornosti.

Ukoliko počinjeno djelo ima elemente krivičnog djela ili prekršaja, disciplinski tužilac protiv takvog lica podnosi prijavu Predsjedništvu Društva.

Ukoliko Disciplinski tužilac ne podnese prijavu iz prethodnog stava ovog člana, odgovoran je Predsjedništvu Društva.

Neovisno od stava 1. i 2. ovog člana, disciplinski sud Društva protiv prekršioca vodi disciplinski postupak.

MATERIJALNA ODGOVORNOST

Član 19.

Član Društva koji namjerno ili iz krajnje nepažnje pričini materijalnu štetu Društvu, dužan je istu nadoknaditi.

Član 20.

Visinu štete, uzrok i okolnosti pod kojim je šteta učinjena, utvrđuje Komisija za procjenu materijalne štete koju imenuje Predsjedništvo Društva.

Komisija iz prethodnog stava sačinjava Zapisnik o provedenom postupku kojeg dostavlja tehničkoj službi Društva koja sačinjava Odluku koju potpisuje predsjednik Društva.

Član 21.

Protiv odluke o utvrđivanju obaveze nadoknade štete može se izjaviti žalba Predsjedništvu Društva u roku od 8 dana od dana prijema odluke.

PRELAZNE I ZAVRŠNE ODREDBE

Član 22.

Ovaj Pravilnik stupa na snagu danom usvajanja od strane Skupštine Društva, a primjenjuje se narednog dana od dana objave na oglasnoj ploči Društva.

Član 23.

Danom stupanja na snagu ovog Pravilnika, prestaje da važi Pravilnik o disciplinskoj i materijalnoj odgovornosti br: 74/98 od 17.12.1998. godine.

Broj: 01-191/09

U Gradačcu, 24.12.2009. godine.

VD Predsjednik Društva:

Irfan Muftić